

نوفيلاً

رواياتي احلى مع هياضي ومجاريه
ميسي عيناها ودي عيناها مع هياضي ومجاريه

الليلة الثالثة

حصري 2018

اميرة احمد



الاهداء

حبيبي عندما اكتب فاشعر بأننا اكتب لك واكتب
من اجلك واحببت ان أبدأ كل رواياتي دائما
بكلمه احبك كلمه تصف حبك بقلبي وروحي
اردها دائما لك .. احبك ربما لاتعلم معناها
حتى الان ولا تشعر بالكم الهائل من المشاعر
التي تحيط بروحي لك وحدك حبيبي ارأيت
عندما ارى ابتسامتك في السماء وارى عينيك
الرائعتان كالنجوم فهذا يعني انني احبك وعندما
ارى جمال الدنيا في عينيك واحب الحياه عند
رؤيتك وكانى ولدت من جديد فهذا معناه انني

احبك حبيبي

اهداء إلي حبيبي وروحي

محمد احمد

المقدمه

الثلاثة يحبونها ولم يعلموا انهم مجرد وسيلة لتحقيق ما تتمناه كل واحد منهم احبها بصدق وتمني ان تكون من نصيبه ولكن في الحقيقة فهي حلم صعب المنال ما اصعب ان تكون تائها بين الحلم والواقع بين الحقيقة والسراب

ما اصعب ان تشعر بالخذلان ممن احببت ونبض قلبك له في كل ثانية تمر بك ما اصعب ان تشعر بانك مجرد وسيلة لتحقيق حلم او امنية وانك ليس اكثر من سبب في اسعاد شخص اناني لا يفكر الا في نفسه واسعادها

تنهد شريف وهو يدون ما يجول بخاطره عن حبيبته وهي فتاة جميلة جدا في السادسة عشر من عمرها من عائلة متوسطة الحال ولكن جمالها هو مصدر غناها

في صباح يوم جديد من شهر مارس وفي منزل
في احدي الاماكن التي يتميز سكانها بمتوسطي
الحال وفي غرفة في هذا المنزل تستيقظ فتاة
شديدة البياض وشعرها الكستنائي اللون الذي
يتميز بالنعومة ولونه البراق تفتح عيناها التي
تشبه لون السماء في صفاءها تتأهب في كسل
وفي ذلك الحين يرن هاتفها فتقوم بالرد

"ألو" ايوة ياسوسو عاملة أية

سمية بغيط أنتي لسة صاحية يا ألاء الله
يسامحك هنتأخر

ألاء بكسل خلاص خلاص انا صحيت
ياسوسو دقائق واكون جاهزة وتتهي ألاء
المحادثة التليفونية ثم ازاحت غطاءا رقيقا

وقامت واتجهت للمرحاض لتغتسل وتتوضأ ثم
رجعت لغرفتها وارتدت اسدالها لتصلي وبعد
انتهاءها من الصلاة خلعت اسدالها وارتدت
الزي الخاص للمدرسة فهي في الصف الثاني
من المرحلة الثانوي العام واخذت حقيبتها
وخرجت مسرعة الي الباب وفتحته وخرجت
وعندما اقتربت من صديقتها استقبلتها سمية
بضجر كل ده يالولو حرام عليكى كده هنتأخر
علي المدرسة

ألاء لا هنتأخر ولا حاجة لسة بدري أهدي
بقا راسي هتنفجر

واستمروا في المشي فهم يوميا يذهبون للمدرسة
سيرا

واثناء سيرهن نظرت سمية لألاء قائلة

مالك يالولو سلامتك شكلك مش مضبوط ليه
الأء وهي تمسك براسها أبدا طول الليل قلقانه
ونفسي انام ومش عارفة انام
سمية ليه كده يا حبيبي انتي بتحبي ولا أية
الأء وهي تبتسم بسخرية بحب أية بس دي
تيتة تعبانة جدا وماما عندها من يومين والبيت
وحش خالص من غيرها

وأنا زهقت من القعدة لوحدي كده

سمية وباباكي فين

الأء بابا ياستي يرجع من الشغل احضرله
الاكل وفجاعة يرن تليفونه وينزل يقعد مع
اصحابه علي القهوة ويرجع متأخر وتتهدت
بضيق ثم استكملت حديثها يوميا علي كده

وفي اثناء حديثهما وباقترا ابهن من المدرسة إذ
فجاءة بسيارة مسرعة لدرجة كبيرة وكانها
ساعقها فقد السيطرة عليها وكادت ان تصطدم
الاء الا انه اخيرا سيطر علي سرعتها ووقفها
في الوقت المناسب

واتسعت حدقتا عين الاء رعبا مع صرخة
سمية قائلة

خدي بالك ياالاء لتسقط ارضا

ففتح الشاب باب سيارته مفزوعا وابتلع ريقه
بصعوبة واقترب من الاء التي نهضت
بصعوبة وهي تهدم ثيابها وترتعش من هول ما
حدث ونظر اليها وقال

انا اسف والله جدا انتي بخير

فنظرت إليه الاء والغضب يتطاير من عينها
والله اسف انت اتعميت مش بتعرف تسوق
مافيش داعي تركب عربيات كنت هعمل أية انا
بأسفك لو كنت خبطتني تموت الناس وتقول انا
اسف

فخلع الشاب نظارته الشمسية كاشفا عن عيون
عسلية في غاية السحر ونظر الاء قائلا
انا اسف والله مش عارف الفرامل حصلها أية
مرة واحدة

الاء بغضب ياريت تتعلم السواقة كويس قبل ما
تركب عربية قال فرامل قال وانصرفت من
امامه وتركته واقفا مكانه ينظر إليها ولا يدري
ماذا فعلت به هذه الفتاة

اما سمية فنظرت لصديقتها وقالت:

انتي كويسة يالولو

ألاء الغبي كان هيموتني

سمية الحمد ل يا حبييتي حصل خير بس

يالهووووي

علي جماله أية العيون ديه وتتهدت وقالت

كان نفسي أساله هو يياكل زينا ولا اكله كله

حلويات

فأبتسمت ألاء وقالت حلويات اااات فوقي ياسوسو

ياللا ادخلي المدرسة

أما أسامة فرجع لسيارته وهو يرتدي نظارته

الشمسية ويفتح باب سيارته ويركبها وينطلق

وبعد دقائق معدودة يصل أسامة لمقر شركة

أستيراد وتصدير فيدخل اسامة مسرعا لمكتبة
ويلقي بمفاتيح سيارته ونظاراته الشمسية علي
المكتب ويلقي بنفسه علي المقعد

فيدخل عليه صديقه عمر

عمر اسامة باشا عامل اية النهاردة

اسامة وهو يمسح وجهه بيده اليسري

خبط بنت بالعربية

عمر بفرع امتي يا اسامة وحصل أية

اسامة الحمد لـ حصل خبير لكن انا اللي

مش بخير

فنظر إليه عمر بحيرة ازاي مش فاهم

فتنهذ أسامة وقال

عيووون أيه وشعر أية قمر بنت زي القمر
عمر وهو يتصنع أنه يعزف علي جيتار كمل
ياحنين كمل

أسامة بغيظ غور من ادامي غور انا اللي
غلطان اني بتكلم معاك

فضحك عمر وقال ماشي ياعم هغور بس
اوعي تنسي ميعاد ريري وضحك وانصرف
أسامة بقرف ريري وتتهد وقال

ااه ااه ياقلبي قال ريري قال وفي نفس اللحظة
يرن هاتفه فيمسك أسامة بالهاتف ليري اسم
ريري فيتنفس في ضيق ويقول وهو ينظر
لشاشة هاتفه

ياريتنا كنا افكرنا حاجة عدلة ثم قام بالرد

بحنان ورمانية

حبيبي وحشتيني ياقلبي

ريري بدلع والله لو وحشتك كنت اتصلت بيا قبل

ما تروح الشركة

أسامة بنفس الرومانية حبيبي أأأسف كتيبير

المهم طمني عاملة أية

ريري وحشة خااالص من غيرك

أسامة دايم يا حبيبي ثم قال بأرتباك اسف

قصدي بعد الشر عنك يا قمر انتي قمر قمر

ياقلبي

ريري مرسبي يا بيبي صحيح هنتقابل أمتي

علشان نحدد ميعاد تيجي تزور بابي

أسامة بقر ف أزور بابي لية يا قلبي هو بابي
تعبان لا قدر الله ريري بعصيبة لا مش تعبان
علشان تخطبني مش انت وعدتني انك
هتخطبني

أسامة هو أنا وعدك لا مادام وعدك يبقي لازم
اخطبك حبيبي معلى عندي شغل اخلص
واتصل بحبيبة قلبي القمر

او ك يا قلبي

ريري أسامة انا مش مرتاحة للهجة كلامك

اسامة ولا انا

ريري نعم يعني أية مش فاهمة

أسامة حبيبي بهزر انا بس مرهق تصدقي
عملت حادثة بالعربية وانا في طريقي للشركة

ريري بلهفة مصطنعة سلامتك يايببي فيك

حاجة

اسامة لا خالص قلبي بس اللي وجعني شوية

يااااااه ياقلبي

ريري سلامتك يايببي وسلامة قلبك اوك انا

هسيبك تخلص شغلك وهستنا منك فون علشان

اشوفك انت وحشتني مووووت

أسامة بقر ف اوك ياقلبي وتتهد وقال هتوحشيني

سلام وبمجرد ان انهي المكالمة نظر لهاتفه

وقال

أوووووف أية البت دية لزقة بس حلوة اخطبها

دية

وبأقتراب إنتهاء أسامة من عمله حضرت إليه

ريهام (ريري) فاستقبلها عمر وهي تتجه إلي
مكتب أسامة فابتسم لها عمر بأعجاب وقال

ريري منورة والله

ريري مرسيني يا عمر صاحبك موجود ولا

عمر طبعاً موجود

فأبتسمت رييري أبتسامة بتكلف ونظرت لعمر
بطرف عينها واتجهت إلي مكتب أسامة وفتحت
الباب بدون أستاذان وهي تقول

أنا جيبيبيب

فرفع أسامة إليها بصره وقال

اهلا رييري وتنهذ وقال منورة ياريري

ريري وهي تقترب منه بدلع وحشنتي موت ما
قدرتش استني لما تتصل انت قلت اجيلك أنا

و عملها لك مفاجأه

أسامة احلي مفاجأه

ريري طيب مش يالا بنا ياببي

اسامة بابتسامه باهته

يالا ياريري

وبعد أنتهاء سميه والاع من المدرسه

سميه ما تيجي معايا يالولو نقعد مع بعض شويه

مادام مافيش حد في البيت عندك

الاع لا صعيب أنا هعدي علي تيته علشان اطمئن

عليها وكمان ماما وحشتني جدا جدا

سميه بخبت بس أنتي ما كنتش مركزة خالص

النهارة

في الحصص

الأء لآ لآة يعنى مين قال كده

سمية احساسى يالولو صحيح يالولو هو ممكن

نشوف الواد القمر ده تانى

الأء وهى تبتسم بسخرية قمر والله أنتى عمية

باين عليكى سمية وهى تضحك لا عمية ولا

حاجة انتى بس علشان قمرين مش شايفة غير

نفسك

الأء طيب مش يالا اسرع شوية

سمية يالا ياختى واثناء سيرهما مر اسامة

بجانبهم بسيارته ولمح الأء من مرأه السيارة

فشرد للحظة ولكنه افاق

علي صوت ريهام

سرحان في أية ياببي بص ادامك

فابتسم لها وقال

ما تقلقش ياريري وتتهد وذهب إلى النادي

وبعد وصوله وقف بسيارته جانب احدي

الارصف وقال اتفضلي ونزل اسامة ونزلت

ريري وتقدموا لأحد المقاعد ثم نظر لريري

وقال

خير ياريري كنتي عايزة أية

ريري بدلع مبالغ فيه حبيبي ماله

أسامة لا أبدا تمام

ريري طيب حبيبي هيقابل بابي أمتي

فخلع اسامة نظارته الشمسية ووضعها علي

الطاولة ثم قال بأرتباك

ريري ممكن نتكلم بصراحة

ريري ياريت

اسامة بابتسامه باهته أنا أسف ثم نظر للارض

ثم رفع بصره إليها وقال

أنا أكتشفت أننا صعب نكمل مع بعض

ريري بغضب لا والله ممكن افهم ليه يا اسامة

اسامة بحجرج ريري انا اسف فعلا لكن انتي

تستحقي واحد احسن مني

ريري مصطنعة البكاء

وأنا عايزاك انت يايببي

اسامة ريري من فضلك بلاش تصعبي

الموضوع عليا

خلينا نحتفظ ببعض كأصدقاء

ريري والله بالسهولة دية تسبني انا وبعد كل

اللي كان بنا

أسامة وهو ينظر إليها بنظرة حادة ويكرر

جملتها في ضيق

كل اللي كان بنا احنا علاقتنا محدودة وما

تجاوزت حدودي معاكي

ريري بسخرية

محدودة وما تجاوزت حدودي معاكي وياتري

مين البديل

يا اسامة

اسامة وهي يقوم واقفا ويمسك بمفاتيحه ويرتدي

نظارته

مافيش حد اسف لكي عن اذنك
وانصرف وترك ريهام وهي تنظر له وتقول
ماشي يا أسامة انا ريهام انت تعمل كده معايا
ان ماكنت اخليك ترجعلي راع مابقاش ريهام
اما في منزل جدة آلاء وبعد وصول خالها وابنه
شريف

شريف شاب يتميز بالرومانسية والهدوء
والبساطة

في كل شيء عمره ٢٦ عاما خريج فنون
جميلة

مشهور بشغفه للشعر والأدب وهو ايته كتابة
الشعر

وعندما وصلوا كانت سعادة منال ووالدتها

تفوق الخيال لأنهم اخيرا سيروا " السيد " الاخ
الاكبر لمنال وابنه شريف الذي سافر مع والدته
ووالده وكان عمره ١٦ عاما

وبعد الترحيب اسرعت منال لايقاظ الآء
للترحيب بخالها وابنه شريف واقتربت من ابنتها
وهي تنادي بفرحة

لولو يالولو اصحي

آلاء بكسل ايوة ياماما في اية لية بتصحيني

منال : يالا فوقي خالك السيد وصل

آلاء : حاضر حاضر ياماما فانصرفت الام

مسرعة الي اخيها وابنه

منال : حمدا على السلامة يا سيد ثم ألتفت الي

شريف قائلة: ماشاء الله شريف كبر وبقا رجل

الله اكبر عليه

فأبتسم شريف وقام من مكانه وامسك بيد عمته

وقبلها وقال

تسلميلي يا جمل عمة في الدنيا ثم غمز باحدي

عينيه وقال :

بس اية الجمال ده يا عمته

قمر ماشاء الله ثم ألتفت الي جدته وقال :

وأنتي ياتيته ربنا يحفظك ويخليكي ليا وفي نفس

اللحظة تدخل آلاء وهي تبتسم لخالها وتقرب

منه وتقول :

حمدللة على السلامة ياخالو

فيلتفت اليها شريف في أنبهار وتسأول

السيد : حبيبة خاله ماشاء الله عليك بقيتي

عروسة لولو زي القمر أية الجمال ده يالولو

واحتضانها بشوق وحب

ثم نظرت لشريف قائلة: أكيد أنت شريف

حمدل على السلامة

فضل شريف صامتا ولكنه سحر بها فمدت آلاء

يدها وقالت مكررة :

حمدل على السلامة يا شريف فأنتبه شريف

وبادلها السلام وجلس الجميع يتضحكون

ويتحدثون في سعادة ويجمعهم حب ودفء

العائلة السعيدة

اما شريف فضل صامتا لا يتفوه بحرف ولكنه

يبتسم لضحكات آلاء ويقول في نفسه

ورأيته لأول مره تلك الفتاة فتنتني بعيناها من

شدة سحرهما و إنتهي أمري عيناها كقمرين في
ليلة هادئ هوصوتها كنسيم في ليلة ممطره
ولمحت في عيناها الجمال والوطن واصابني
من صوتها السحر والشجن مااجمل العيون لو
كانت مثل عيناها بلون السماء بسحر الهوي
ماحلاها

تاه من الفكر عقلي ومن الصبر قلبي اصابتني
بالهوي ياويلي بصوتها الدافء سحرتني
لولا عيناها ما عرفت الهوي لولا عيناها ماكنت
سجينها انا

والد شريف وهو ينظر إليه بحيرة :

شريف شريف

شريف وهو مازال في عالمه الآخر :

ها نعم بابا

السيد وهو بيتسم :

حمد على السلامة يا شريف وضحك وضحك

الجميع

اما آلاء فنظرت إليه في صمت

شريف وهو بيتسم بهدوء : الله يسلمك يا حاج

تصدق وحشتني

السيد :

لا والله كنت سرحان في أية كل ده ده أنا

بقالي ساعة بنادي عليك

شريف في خجل :

ابدا مع حضرتك ياابا ثم ألتفت الي آلاء قال :

انا بصراحة اتفاجأت بـ آلاء وابتسم وقال :

معقول دية آلاء اللي كان عندها ٦ سنين مش

مصدق عيني خالص

آلاء وهي تبتسم : ليه يعني هو أنا كنت وحشة

شريف : لا خالص لكن ماشاء الله كبرتي

منال (والدة آلاء) : وانت كمان ماشاء الله

عليك الله يحفظك بقيت رجل اد الدنيا ياشریف

شريف وهو مازال ناظرا اتجاه آلاء:

ربنا يخليكي ياأجمل عمة في الدنيا

آلاء وهي تبتسم في خجل : ماما هستاذن أنا

علشان بابا

منال : طيب يالولو خدي بالك من نفسك

فقامت آلاء وابتسمت لأمها وقالت :

اطمني ياماما

فقال شريف بلهفة لو تحبي اوصلك يا آلاء

فنظرت اليه آلاء في صمت ثم ألتفت الي منال

فابتسمت لها منال :

أبن خالك هيوصلك علشان أطمن عليك

فهزت آلاء رأسها بالموافقة

وبعد أن أنصرف أسامة وترك ريهام فنظرت

له وقالت

ماشى ياأسامة انا ريهام انت تعمل كده معايا

ان ماكنت اخليك ترجعلي راعع مابقاش ريهام
فأمسكت ريهام بهاتفها وضغطت على ازاره ثم
قالت :

" الو " ايوة ياعمر

عمر : ريري اخبارك

ريري وقلبها يحترق غلا عمر أي اللي غير
صاحبك

عمر باندهاش : مش فاهم في أية

ياريري تقصدي أسامة

ريري بغضب شديد ايوة أسامة فهم صاحبك
ان مش ريري اللي واحد زيه يعمل معاها كده
عمر : اهدي من فضلك وفهميني حصل اية

فقصت عليه ريري ماحدث ثم قالت :

عقل صاحبك وفكره من ريري ومين بابي
وفكره بمستقبله

واغلقت ريري الخط وهي ترمق هاتفها بغیظ
فاتصل عمر بصديقه أسامة وبمجرد ان رد
اسامة قال عمر

اية اللي انت عملته ده ياأسامة انت اكيد
اتجننت

أسامة بقرف: بسسس كفاية اتجننت لية

عمر : اسامة لازم اشوفك دلوقتي

أسامة بمضض : حاضر مسافة الطريق وانهي

المحادثة وزفر بتهيدة واغمض عينه وسأل

نفسه :

لماذا فعل هذا وهل لهذه الفتاة علاقة بما فعله

ام لا

وبعد وصول أسامة أصدر صوت كلكس من
سيارته لأخبار عمر بوصوله فأسرع عمر الي
البلكون وأشار إليه وأسرع بالنزول وبعد
وصوله لسيارة أسامة فتح الباب وركب ثم قال
:

ممكن افهم بقا اية اللي انت عملته مع ريري ده
فنظر إليه أسامة ولم يتفوه بكلمة وانطلق
بسيارته

وبعد ان انصرف شريف وآلاء واثناء طريقهما
قال شريف :

انا سعيد اني شفتك يا آلاء

آلاء وهي تبتم في خجل: وانا كمان وياريت

ذكرت في وصفها كل معاني العلياقمر هي
حبيتي احببتها من نظره من عينيها صرت
مجنون بها حبيتي انظري الي فقد اشتقت
لوطني هاتي يدك في يدي حين تلامسينني
تصافحني راحتي

آلاء وهي تبثسم له بأنبهار :

الله عليك يا شريف احساسك جميل جدا
شريف يقول في نفسه وهو ينظر اليها :

شكلها البعيدة ما بتفهمش

آلاء: شريف سرحان في اية

شريف : ابدأ مافيش وفي اللحظة رن هاتف
شريف

شريف وهو ينظر لألاء قائلا: " الو " ايوة
يابابا

السيد : انت فين يا شريف وصلت الاء

شريف : ايوة لسة وصلين حالا

السيد : طيب يا شريف كنت بظمن عليكم

وبعد ان انهي المكالمة نظر لهاتفه وقال انا

مش مرتاحة لك ياسيد

الاء : في حاجة يا شريف

شريف : لا حمدللة على السلامة

الاء وهي تبتسم الله يسلمك عن اذنك وياريت

تخلينا نشوفك

شريف: ان شاء الله مع السلامة وتركته الاء

ودخلت اما شريف فانصرف وهو يقول في

خاطره

حتي الساعات معكي تبارزني وكأنها قد هوت
طيفك اشتاق اليكي وانتي معي فما بالي برحيلك
حبيبتني اود ان لو لا تفارقيني فقد سجننتني
عيناكي في سجون الشوق علي سبيل الحنين اود
ان تظلي بقربي ففي قربكي السعاده تداعبني
اكتب شعري من بريق عيناكي وانحت من
وجهكي تمثالي يامن لكي في قلبي لهفه ولكي
في عيني لمعه من سحر عيناكي ولد غرامي
اما اسامة فقام بتوصيل صديقه عمر وذهب الي
عمه وهو لا يعلم كيف المواجهه ولكنه اخذ
القرار اخذ قراره وهو لا يعلم عن تلك الفتاة اي
شيء فقط دق قلبه لها وبعد وصوله استقبله
عمه بترحيب مبالغ فيه مما جعل أسامة يشعر

بالحيرة كيف ذلك وقد اخبرته ريهام بانسحابه
من حياتها فجاءة وبدون أية مبررات
أسامة وهو يبتسم إبتسامة كلها تساؤل :

اهلا ياعمي اخبار حضرتك

عمه وهو مازال مبتسما : الحمد لـ يابني أنا
بخير وأستكمل حديثه وهو يشير له بالجلوس
لكن أنا زعلان منك

شريف وهو يبتلع ريقه بصعوبة

مش فاهم حاجه ممكن حضرتك توضح

عمه : بقا لو عايز تتكلم في موضوع إرتباطك
بريري تكلمها هي برضو المفروض تيجي
ونقعد مع بعض ونتفاهم ولا اية

شريف بإحراج شديد :

فعلا عند حضرتك حق نا بعذر لحضرتك
فضحك عمه بصوت مرتفع للغاية ثم نادي علي
ريهام وعندما حضرت ريري نظرت لأسامة
إبتسامة باهته وقالت :

ايوة يا بابي

فنظر جاسم (والد ريري) لأسامة وقال :

ألف مبروك يا اولاد ربنا يسعدك إعلان خطبتكم
الخميس الجاي فضحكت ريهام وقبلت أبيها من
خديه وأسرعت إلي أسامة وأمسكت بيده الذي
ما كان منه إلا أن تجمد مكانه

وقف صامتا وهو يرمق ريري بنظرة غاضبة
ولكنها تبتم ابتسامة انتصار

فسحب اسامة يده من يدها وأنصرف دون ان

يتفوه بحرف وأنصرف أسامة وبداخله بركان
ثائر مدمر وركب سيارته وانطلق الي منزله
وبعد وصوله أستقبلته والدته "أشجان" سيدة في
الأربعين ولكنها مازالت تحتفظ بجمالها وشبابها
وعندما تقع عيناك عليها تعتقد انها مازالت
فالثلاثين من عمرها من شدة جمالها ونضارة
وجهها

بمجرد وصوله اقترب منها وامسك يدها وقبلها
أشجان وهي تمسح بيديها علي رأسه بحنان الله
يرضي عنك يا حبيبي طمني اخبار الشغل أية
اسامة : الحمد لـ يا أمي تمام فشعرت الام
بحزن اسامة فأقتربت منه وقالت :

مالك يا أسامة طمني

فجلس أسامة وهو يغمض عينيه بألم وقال :
ريري ياأمي قالت لعمي عكس اللي أتفاقنا عليه
وعمي حدد الخميس الجاي نعمل الخطوبة .
وأنا محتار يا أمي

لكن لا يمكن أرتباطتي بريهام يتم مهما حصل
الأم : وأنت تفتكر ان عمك هيسيب نص
الشركة بالسهولة دية

اسامة في تعجب : ليه يعني وهو ماله بنص
الشركة اولاً ده حقي الشرعي

اشجان : يا حبيبي الكل عارف أنه حقك لكن
عمك لا يمكن هسيبك تتجوز واحدة غريبة
وتضيع منه نص الشركة

أسامة : خلاص مش عايز الشركة هسيبهاله
لكن لا يمكن هتجوز ريري لا يمكن يا امي
أشجان بغضب : يعني أية عايز تسيب حقاك
وحقي وتعب أبوك الله يرحمه أبوك اللي ياما
حرم نفسه من الأكله الحلوة ومتع الحياة ورغم
كده عمره ما حسسك بشيء وكانت طلباتك كلها
مجابة أبوك كان بينحت في الصخر علشان
يضمن لك مستقبلك وبعد كل ده عايز تضيع
تعبه

أسامة بضيق : مهما كان ومهما يحصل مش
عايز الشركة

لا يا أسامة ده اللي يمكن أسمحك به
ثم اقتربت منه أكثر فاكتر وقالت : وبعدين تعال
هنا قولي

أية اللي حصل أية اللي غير رأيك في جوازك
من ريري اكيد في بنت في حياتك صح

فنظر إليها أسامة ونهض واقفا وقال : عن أذن
حضرتك ياماما وتركها واتجه إلي غرفته
ودخل واغلق الباب

وألقي بهاتفه ومفاتيحه علي المكتب وارتمي
علي فراشه وهو يمسح بيده علي راسه ثم شرد
ليري امامه فتاته المجهولة التي احبها بدون ان
يعلم عنها أي شيء لا يعلم إذا كانت تستحق ما
يفعله أو ما سيقدم عليها من أجلها قم أبتسم وقال
في نفسه أزاي بعمل كل ده و عندي استعداد
أضحى بكل شيء علشان بنت مش متأكد أصلا
منها أو من مشاعرها أتجاهي

ثم قال : لالااا أصلا فعلا أنا وريري مش

مناسيين لبعض كده أو كده هتكون نهاية جوازنا

الفشل

ثم ألتفت إلي مكتبه واتجه إليه وأمسك بهاتفه

وضغط علي زراره للاتصال بعمر.

عمر : " الو " الباشا

أسامة: أنت فين يا عمر

عمر : فالبيت هكون فين

أسامة: طيب البس وجهز نفسك أنا مخنوق

وعايز أسهر في أي مكان

عمر بدون تفكير : تمام ياباشا بس علي حسابك

فضحك أسامة وقال : حاضر علي حساب وهو

من أمتي وأنت بتدفع

عمر : أنت هتغيرني طيب مش خارج

أسامة وهو يضحك : لالا لانا بعذر لحضرتك
ياللا ياض جهز نفسك

عمر : أنا جهزت ياباشا

وبالفعل اسرع اسامة إلي صديقه و عندما وصل
امام منزله كان عمر في انتظاره وركب سيارته
وانطلق اسامة

عمر : مالك خير يا أسامة

فقص أسامة علي صديقه ما حدث

فضحك عمر وقال:

الله عليك ياريري قلتك ريري مش سهلة
وناوي تعمل اية

أسامة : مهما حصل لا يمكن هتجوز ريري

عمر : اسامة انا صديقك واكثر واحد فاهمك

أنت بتعمل كل ده علشان البنت اياها انت أكيد
مش في وعيك تعرف اية عنها ولا عن اخلاقها
فوقف اسامة بسيارته وهو يرمقه بغیظ وقال

يا لا انزل

عمر : انت مجنون انزل فين ! مش قلت

هتعممني

ففتح اسامة باب سيارته ونزل منها وفتح الباب
الذي علي الجهة الأخرى وجذب عمر وقال :

انزل يا لا انا اتخنقت منك وبالفعل انزله من

سيارته وركب سيارته وانطلق

اما عمر فنظر له وقال : والله مجنون ثم ارتفع

بصوته وقال : يامجنون

وبعد ان قام شريف بتوصيل الآء ودخلت

وتركته فأصرف وهو يتمني أن لا يفارقها
فجذبتة لجمالها وسحرها بل بكل شيء فيها
وبعد دقائق وصل لبيت الجدة وطرق الباب
وأستقبلته عمته وهي تبتم وتقول :

معلش يا حبيبي تعبناك معانا

شريف بأستنكار : لا ياعمتو اوعي تقولي كده

تاني

عمته : تسلميلي يا حبيبي وأحتضانته بحرارة
ودخلوا غرفة الصالون.

وفي صباح اليوم التالي تستيقظ الأء من نومها
علي المنبه تعلن عن الساعة السادسة صباحا
كعادتها لتتوضأ لأقامة صلاتها وبعد انتهاءها
من الصلاة أرتدت الزي الرسمي للمدرسة ثم

قامت بالاتصال بصديقتها

سوسو بصوت متعب : " ألو "

الاء بقلق من نبرة صوتها : مالك ياسوسو أنتي

تعبانه

سوسو بضعف وتلاحقها انه وجع :

تعبانه جدا جدا البرد شديد ودرجة حرارتي

مرتفعة جدا مش هقدر اروح المدرسة انهاردة

الاء بحزن لحال صديقتها : طيب حبييتي

أرتاحي أنتي وأنا أن شاء الله أولما أرجع

هستأذن بابا واجيلك اطمن عليك

سوسو بضعف: أن شاء الله يا حبييتي

وأنهت الاء محادثتها وأسرعت إلي مدرستها

وأثناء طريقها وفي نفس المكان السابق للحادث

يكون أسامة في أنتظارها وبمجرد ما وقع نظره
عليها انطلق بسيارته وفجأة فرمل أمامها
فشهقت آلاء رعبا وحدثت بعيناها لتقع عيناها
علي هذا الشاب مرة أخرى فيقترب منها أسامة
بأبتسامة رقيقة ويخلع نظرتة ويقول لها :

أنا اسف جدا

آلاء بغضب : أنت أكيد مجنون أنت ثاني
ممکن أعرف أنت عايز مني اية

أسامة: ابدا هكون عايز اية أنا حبيت اعتذر
لكي عن المرة اللي فانت بس مش اكثر
آلاء وقد أرتفع صوتها قليلا :

لا والله أنت فاكرني عبيطة لا فوق وخذ بالك
كويس أنا مش البنات اللي تعرفها عن أذنك

وأستدارت آلاء بظهرها فأسرع أسامة أمامها
وأوقفها وقال بأرتباك :

أنا عارف انك مش البنات اللي أعرفها لكن
بصراحة أنا نفسي أعرفك

آلاء : أنت تقصد أية عن أذنك فيوقفها أسامة
للمرة الثانية

وفي نفس التوقيت يضع شاب يده بقوة علي
كتف أسامة فيلتفت اسامة ليري شاب مفتول
العضلات وكأنه ملاكم محترف فيقول له
أسامة:

خير في حاجة حضرتك

الشاب : أنت ليه بتعاكس البنات

أسامة : أولاً أنا مش بعاكسها ثانياً مين أنت

أصلا فقام بدفع يده من فوق كتفه

الشاب بغضب شديد : واضح أنك ناقص تربية
وأنا هربيك فسدد إليه لكمة قوية في وجهه
فتصرخ آلاء صرخة فزع وتقول كفاية كفاية
ولكن ذلك الشاب لم يستمع إليها واستمر في
ضرب أسامة وكأنه في حلبة المصارعة
فاقتربت منه آلاء وهي تقول :

كفاية بقولك كفاية هيموت في أيديك فيلتفت
إليها الشاب ويتوقف عن ضرب أسامة فيسرع
أسامة إلي سيارته وانطلق بسيارته
أما ذلك الشاب وقف يرمق آلاء بنظرة هادئة
وقال :

أسف حسيت انه دايقك قلت اربيه

فرمقته آلاء بغضب وانصرفت من امامه

اما هو فوق يتاملها حتي اختفت من أمام

عينيه

أنصرفت من امامه وبداخلها قلق يكاد ان

يقضي عليها قلق علي اسامة وتتسأل هل هو

بخير وكيف الوصول إليه للاطمئنان عليه

ومن أين ظهر ذلك الشاب وكيف أستطاع

ضربه بهذه القسوة

وسقطت دموعها وشعرت بالذنب لما حدث مع

أسامة

وعندما اقتربت من المدرسة لم تستطع الدخول

فرجعت واستمرت في السير وهي حزينة

وتتمني ان تقابله لتطمئن عليه

أما أسامة فبعد ان انصرف بسيارته كان مازال واقفا يراقبها من بعيد وعندما رآها في طريقها للرجوع ولم تدخل مدرستها تعجب واقترب بسيارته منها ووقف فالتفت آلاء الي السيارة فاذا به فحقق قلبها فرحا ونظرت له وأبتسمت ففتح أسامة باب سيارته ونزل واقترب منها فنظرت له بخجل وقالت :

أنا أسفة علي اللي حصل بجد أسفة

فأبتسم لها وقال : ولا يهملك لو عرض عليك

تركبي هتخافي وترفضي

فقالت آلاء : لا مش خايفة لكن وصمتت

ونظرت في الأرض

فقال أسامة: اتفضلي بس بسرعة قبل ما

يشوفني تاني الوحش الكاسر ده

فضحكت آلاء.. ففتح لها أسامة الباب وركبت

فاسرع أسامة وركب وقال مازحا

شوفتيني وانا بضربه

فضحكت آلاء وقالت : اه أنت ما خلتنش فيه

حتى سليمة ده تقريبا وشك عايز يتغير يووووه

قصدي وشه هو

فضحك أسامة وقال

كان نفسي يديني فرصة أساله سؤال واحد بس

آلاء في حيرة : سؤال أية

أسامة : هو بياكل اية بياكل زينا كده

آلاء وهي تضحك : لا ما أظننش ثم تنهدت

وقالت

لكن وشك كله كدمات ومجروح لازم تروح

مستشفى

أسامة لا مافيش داعي وصمت ثم نطق الأثنين

في نفس الوقت ممكن سؤال

فضحك أسامة والآء ثم قال أسامة:

أفضلني

آلاء: لا أفضل حضرتك الأول

أسامة: مايصحش أفضلني

آلاء وهي تنظر إليه: أنت لية فضلت بعيد رغم

العلاقة دية

أسامة بقرف: رغم العلاقة دية لا بقولك أية أنا

سييته يضرب بمزاجي لأنني لو كنت أتغيب

عليه كان ودع حياته فصعب عليا شبابه
وعضلاته ثم قال : ااه حسبي الله ونعم الوكيل
دية مش أيد دية مرزبة وبعدين بلاش تفكريني
بقا أنا بحاول أنسي

آلاء وهي تضحك : حاضر أنا أسفة أتفضل
أسأل سؤالك

أسامة وهو يعلم الأجابة : لية ما دخلتيش
المدرسة

فنظرت آلاء في الأرض خجلا

فشعر أسامة بخجلها فقال

أنا عارف السبب

فقلت آلاء : عارف اية

أسامة : خفتي تدخل طبعاً تلاقى الوحش ده

جواه صح

فضحكت آلاء بصوت مرتفع فأبتسم أسامة

لضحكتها وقال:

تسمحيلي اعزمك علي أي حاجة

آلاء وهي تنتظر إليه في خجل :

لا مافيش داعي ممكن انزل

أسامة: تنزلي فين وبعدين انتي خلاص مش

هتروحي المدرسة أطمني أحنا هنقعد في

النادي يعني مصر كلها هتشوفنا هاا قلتي اية

آلاء: موافقة

فنظر إليها أسامة بسعادة لموافقته كم كان

يتمني ان يقترب منها اكثر ليعلم من هي يعلم

تفاصيل اكثر عن تلك المخلوقة التي احبها من

النظرة الاولى

وبعد وصوله النادي وبمجرد نزوله من السيارة

أرتدي نظارته الشمسية وقال مازحا

علشان اداري عيوني اللي باظت ديه

فنظرت آلاء إليه وضحكت

فقال لها أسامة:

ايوة ايوة أقعدي أضحكي أنتي ماشي

ثم سحب الكرسي وقال أتفضلي

وبعد جلوسهما أقترب منه شاب يعرفه وقال :

أسامة اخبارك فقام أسامة وصافحه فقال:

اية ده مالك ياأسامة أية اللي حصل لو شك

اسامة: أبدا حادث بسيط

الشباب لا ألف سلامة عليك عن اذنك ابقي

طمني عليك

أسامة: اوك

وأنصرف الشباب ونظر أسامة لآلاء وقال

تحبي تاكلي اية

آلاء : لا شكرا

أسامة: هو أية اللي شكرا أنا جعان

فصمتت آلاء وأحمر وجهها خجلا فضحك

اسامة وقال:

تبقي جعانة زيي وطلب أسامة الطعام وبعد

حضوره بدأوا في تناول طعامهم وفجأة يلتفت

أسامة علي صوت ريهام وهي تقول :

معقول أسامة ونظرت لآلاء نظرة بطرف
عينها

والتفت إلي أسامة وقالت :

أية ده ياببي انت رجعت المدرسة ثاني ولا أية

مش تعرفني بالكتكوتة

فنظر إليها أسامة بقرف وقال : الأنسة آلاء

فقال له ريري طيب كمل التعارف ولا أقولك

اعرفها أنا بنفسي

فالتفت إلي آلاء وقالت

اعرفك بنفسي يا قطة أنا ريري هانم خطيبة

أسامة وبنت عمه

فنظرت آلاء لأسامة في حزن ثم قالت لريري

أهلا وسهلا بحضرتك ثم قامت واقفة وقالت
عن أذنكم

فقام أسامة من مكانه وقال لآلاء :

لا أتفضل لحظة واحدة ثم جذب ريهام من
ذراعها وأبتعد عن آلاء وقال في عصبية:

أية اللي أنتي عملتيه ده أراي تتكلمي معاها كده

ريهام : ياااااا اولا أنا خطيبتك ياأستاذ ومن

حقي أعرف مين الشيء ده

أسامة :أولا مش أسمها شيء اسمها الأنسة

آلاء ثانيا أنتي مش خطيبتي ولاهتكوني ياريري

فاهمة أياكي تفكري تيجي ورايا عن أذنك يا

ريري هانم

ورجع أسامة الي آلاء وجلس ونظر إليها وقال

بأرتباك

أنا أسف علي اللي حصل

آلاء لا أبدا أنا اللي أسفة أني أتسببت في

مشكلة لحضرتك مع خطيبتك

أسامة: لآلاء دية مش خطيبتي ولا هتكون

ممکن نكمل أكلنا بقا

فنظرت إليه آلاء وأبتسمت

أما امام مدرسة آلاء فهناك من يقف من بعيد

ينتظر خروجها كما يفعل كل يوم

فهو ذلك الشاب الذي لقبه أسامة بالوحش

الكاسر فهو لم يكن للمرة الأولى التي رأي آلاء

فيها بالعكس فهو مراقبا لها منذ ٦ أشهر من

بعيد ولم يفكر في يوم الأقتراب منها إلا في تلك

اللحظة الذي حاول أسامة الأقتراب منها
فغيرته الشديدة هي سبب ما فعله بأسامة
وأنتظر جاسم حتي حان موعد خروج الطالبات
من المدرسة

فتاة تلو الأخري وهو ينتظر خروجها ليقدم
أعتذاره لها عما صدر منه ومما تسبب فيه لها
من ذعر وفزع ولكن للأسف لم تخرج
الآءفحزن جاسم كثيرا وانصرف وهو يمني
نفسه فالغد

وفي نفس اللحظة يرن هاتف الآء فتمسك
بهاتفها وتتنظر فيه ثم تقوم بغلقه فيبتسم أسامة
ويقول

ليه قفائيه

آلاء وهي تبتسم لأنني المفروض في المدرسة
فضحك أسامة بصوت مرتفع جدا لتسمع صوت
ضحكاته ريهام وهي تراقبه وتتنظر إليه بغيظ

فنظر أسامة لآلاء وقال

تسمحي لي أتعرف عليك أكثر

آلاء بخجل

حضرتك عايز تعرف أية

أسامة: بصراحة كل حاجة لكن أهم حاجة
عندي في الوقت الحالي أنتي مرتبطة ولا لا

الآلاء وقد احمر وجهها خجلا

لا أنا مش مرتبطة

فأبتسم أسامة وقال : طيب مش بتفكري

فضحكت آلاء وقالت لا مش بفكر انا لسة في

ثانوي بعد الجامعة ابقي أفكر ..

أسامة وهو يردد كلامها بسخرية بعد الجامعة

ابقي أفكر ولية جاية علي نفسك كده ما تفكري

بعد سن المعاش أحسن

آلاء وهي تبتسم: مالك هو انا قلت حاجة غلط

أسامة: أكيد طبعا يعني أية مش بتفكري بعد

العلاقة ديه ومش بتفكري والله يبقي حرا الام

عليكي

آلاء: ممكن افهم حضرتك عايز تقول أية

أسامة: بصراحة وصمت ثم قال :

انا معجب بكي جدا من اول مرة شوفتك فيها

آلاء: اولا انا معرفش حضرتك ولأول مرة
نتكلم فيها مع بعض وصمتت ثم قالت ثانيا :
خطيبتك اللي واقفة هناك وبتراقبنا
فتهد اسامة وقال : خطيبتي أنا هحكي لكي كل
شيء بصراحة

وبدا يقص عليها تفاصيل حياته بصراحة أما
ريهام فانصرفت غاضبه إلي الشركة
وبعد إنتهاء اليوم الدراسي لم يكن جاسم فقط
من ينتظر خروج آلاء من المدرسة بل كان
شريف أيضا واقفا امام مدرسة آلاء ليستقبلها
عند خروجها ينتظرها بشوق ولهفة ينتظر
خروجها ليري عيناها فهو عاشقا لبريقهما

ويقول في نفسه

متي تأتي فقد طال الإنتظار اه من الشوق ان

الشوق نار

أتمني أن اراها فيطيب قلبي اتمني أن انظر

لعينيها

لترقصعيني

الدقيقه في غيابها ساعه الحنين يقتلني في الدقيقه

ساعه انا هنا انا وقلبي انتظرها وقلبي باللهفه

يداعبني اشتقت لبريق عينيها السحر فيهما ما

اجملها

فعيناها كقمرين في ليلة هادئه متي تهل بنورها

الشوق يقتلني

وحان وقت خروج الطالبات وشريف وجاسم

مازالا مستمران فالبحت عن آلاء ولكن لم
تخرج آلاء فينصرف جاسم وهو يمني نفسه
برؤيتها فالغد اما شريف فيقول في نفسه
هي غابت أنهاردة؟؟ ولا تكون خرجت من
غير ما اخذ بالي وبعدين بقا
فامسك بهاتفه وقام بالاتصال عليها ولكن
هاتفها مغلق فأزداد قلقه فقرر الذهاب إليها في
البيت ليطمئن عليها ولشدة خوفه أن تكون
مريضة

ولكنه قام بالاتصال بعمته في الأول

شريف : " الو "

عمته : ايوة يا حبيبي عامل أية

شريف تمام الحمدلة يا عمته صحيح انتي

هتروحي بيتك أنهاردة ولا قاعدة لسة عند تيته
عمته لا يا حبيبي انا في بيتي ستك بقيت كويسة
والسيد معاها راح لها الصبح قلت اروح أنا بقا
أظمن

علي عمك والآء وأشوف طلباتهم

شريف : تمام وعمي و الآء اخبارهم أية
؟؟؟

عمته : عمك فالشغل و الآء فالمدرسة فصمت
شريف وتعجب من أمر الآء وأزداد قلقه عليها
ولكنه لم يخبر عمته بأنه ينتظرها أمام المدرسة
وانها لم تأتي المدرسة وبعد ان أنهي مكالمته
ظل صامتا قلقا ويتسأل هل هي بخير ومع غلق
باب المدرسة ينصرف شريف حزينا ومشغول

البال علي آلاء

أما آلاء بعد ان قص عليها أسامة كل تفاصيل
حياته بصراحة نظرت إليه في حيرة وقالت
بس انت دلوقتي في موقف صعب جدا هتعمل
اية مع عمك

أسامة: ولا صعب ولا حاجة لو اتأكد بس من
اللي بفكر فيه ساعاتها مش هيهمني شيء ولا
عمي ولا شركة

آلاء: وهو أية اللي بتفكر فيه

أسامة: ولا شيء بعدين

الآلاء: طيب كفاية كده ميعاد خروجي من
المدرسة فات

فقام أسامة وأبتسم وقال :

أفضلني أوصلك

الاء: لالا مافيش داعي

أسامة: ماينف عش أفضلني وهنزلك مكان ما

أنتي تحبي

وانصرفت آلاء وركبت معه وانطلق أسامة

بسيارته

وبعد ان قام أسامة بتوصيل آلاء ذهب إلى

الشركة وكانت تنتظره ريهام غاضبة في مكتب

أبيها وبمجرد وصوله استقبله عمر قائلاً:

ريري عند عمك فالمكتب وسأل عليك كثير

اسامة: أوك هدخله واتجه إلي مكتب عمه

وطرق الباب ودخل

فرمقته آلاء بغضب شديد ثم قالت:

حمدللة على ممكن افهم بقا مين دية اللي كانت
معاك

تساممة وهو ينظر إلى عمه :

بعد أذن حضرتك ممكن نتكلم لوحدنا

عمه : الكلام مش هنا ياساممة بعدين نتكلم
دلوقتي خد خطيبتك واتفضل فنظر أساممة

لريري في صمت

وانصرف إلى مكتبه

ريري لأبيها : عجبك كده يابابي شايف الأستاذ

بيعاملني ازاي

والدها وهو يقترب منها ويضع يده علي كتفها :

معلش .. المهم الشركة فاهمة اعلمي أي حاجة

وأستحملي لغاية ما الشركة كلها تكون لنا فاهمة

ياريري

ريري : فاهمة عن اذنك وانصرفت إلي مكتب

أسامة

وعندما فتحت آلاء باب شقتهم شعرت بوجود

امها فأسرعت بفرح وهي تنادي :

ماما ماما

الأم : حبييتي وحشتيني

آلاء: أخبير ا البيت كان وحش من غيرك

وأحتضنت أمها بشوق ثم قالت لها أمها :

طيب يالا أتفضلني غيري هدومك علي ما أجهز

الأكل

آلاء: أيوة كده لكن بعد أذنك ياماما انا مش

جعانه انا هغير هدومي وأزور سمية أصلها

تعبانه جدا

الأم : طيب أرتاحي من المدرسة وكلي وبعدين

روحي

آلاء: لالا أنا مش جعانه عن اذنك هغير

هدومي علشان ألحق وأسرعت آلاء لغرفتها

وامسكت بهاتفها وفتحته وبمجرد ان فتحته رن

هاتفها

آلاء: شريف عامل أية

شريف : الحمدللة طمنيني عليكى أنتي بخير

آلاء بحيرة : الحمد لـ مالك يا شريف

شريف : آلاء ممكن اتكلم معاك شوية !

آلاء: طيب تعال البيت حتي ماما موجودة

وأنا هزور واحدة صاحبتني تعبانه وأرجع علي

طول

شريف : لا بلاش البيت ينفع اوصلك

لصحبتك

ونتكلم في الطريق

آلاء: انا مش عارفة اقولك ايه يا شريف

شريف بتوسل من فضلك مش هطول عليك

آلاء: اوك نص ساعة ونازلة

شريف: تمام انا موجود اداام البيت

وبعد انتهاء آلاء أسرع إلى أمها قائلة:

عايزة حاجة ياماما

الأم: بلاش تأخير وخدي بالك من نفسك

آلاء وهي تقبل يدها اطمني باي

وأسرعت بالنزول ليستقبلها شريف

آلاء وهي تبتسم لشريف :

اخبارك ايه يا شريف

شريف: كنت هتجنن عليك

آلاء: مش فاهمة ليه

شريف: تعالي نتكلم واحنا فالطريق وبالفعل

مضي شريف

و آلاء في طريقهما وهما يتبادلان الحديث

شريف: تعالي نتكلم واحنا فالطريق

وبالفعل مضي شريف و آلاء في طريقهما

وهما يتبادلان الحديث

آلاء بحيرة يعني اية يا شريف أنت روحتي

المدرسة

شريف : أيوة كان نفسي أتكلم معاكي

آلاء بخجل : مش فاهمة تقصد اية

شريف: آلاء أنا نفسي أقولك علي حاجة بس

خايف

آلاء وهي تبتسم: قول يا شريف .خايف من أية

شريف وهو يتصبب عرقا

آلاء أنا معجب بكي

آلاء بارتباك شريف أنا فقط حديثها شريف

وقال

علشان خاطري ماتردي دلوقتي فكري وخدي

وقتك

آلاء: أنا وصلت

شريف: أتفضلي تحبي أستناكي

آلاء لا مافيش داعي عن أذنك .

وأنصرفت آلاء من أمامه انصرفت مسرعة

لزيارة صديقتها بينما هو يقف ينظر إليها وهو

يمني نفسه أن تبادله نفس مشاعره ويقول في

نفسه

ياحبييتي اقولها لكي يا فرحة العمر إني احبك

ياجنة عيوني يافجر الهوي كم كان قلبي في
غيابك انكوي يا اجمل النساء في نظري قلبي
يغنيك بصي إسمعي روي تتاديكي هيا
اضحكي اصبحت حبيبيك وأسيرك ومجنونك
لاغني عنكي طريقي طريقك حتى القمر من
جمال انكوي اه من عيناكي مت انا وصوتك
الساحر قد سرق سمعي عيني لا تري غيرك
وإسألني السما كم غنت لكي حتى السماء من
صوتك صارت في الهوي

وبعد أن وصلت لصديقتها واستقبلتها سمية

آلاء: طمني عليكي ياسوسو

سمية: الحمد لـ بخير دور برد بس جامد

شوية

آلاء : ألف سلامة عليك ياسوسو

سمية : أحكي لي بقا يومك كان أزاي

آلاء : أسكتي ياسوسو النهاردة أغرب يوم في

حياتي

سمية بحيرة : أزاي احكيلي

فجلست آلاء علي سرير سمية وامسكت

بوسادتها وأحتضانتها وبدأت تقص علي سمية

ما حدث معها علي مدار اليوم

سمية : يالهو ووي الواد القمر ابو عيون

ساحرة معجب بيكي

وشريف ابن خالك كمان معجب بيكي

يابنت المحظوظة وأنتي يالولو عايزة مين

آلاء بحيرة : عايزة مين

وصمتت وشردت ولم تتفوه بحرف

أما في أحد النوادي ينتهي جاسم من تدريبه

فهو مدرب ملاكمة بإحدى النوادي فبعد

انتهائه من التدريب

أسرع إلي غرفة تبديل الملابس ثم أنطلق إلي

دراجته وأسرع إلي بيته

وعند فتحه الباب تستقبله أخته خديجة

خديجة " أخت جاسم " اهلا بالبطل

فضحك جاسم وقال

بكاشة يا بت

خديجة : لا والله بطل غصب عن أي حد

جاسم : تسلميلي يارب أنا جعاناان في أكل ولا

خديجة : طبعا في عملتك أكل انما أية حاجة
أوبهة كده ولا اجدع شيف

فضحك جاسم وقال : تمام هاخذ حمام يكون
الأكل جاااهز بسرعة ياخوخة

خديجة : حاضرة دقايق بس

واسرعت خديجة لتحضير الطعام لأخيها الأكبر

الذي تولى تربيته بعد وفاة والديه وهي

صغيرة ذات ثلاث اعوام فهو بالنسبة إليها

الأب والاخ والسند وكل شيء تملكه في هذه

الحياة فهو من اجلها طلق زوجته بسبب سوء

معاملتها لها ولكثرة مشاكلها مع أخته علي أتفه

الأسباب بسبب او بدون سبب وعندما كان

أمامه الخيار فأختار أخته الوحيدة خديجة التي

من نفس سن الآء

وبعد إنتهاءه كانت بالفعل انتهت خديجة من
تحضير السفرة فعندما رأته وهو يقترب من
السفرة قالت مازحة

لو الاكل حلو هتدفع كاالم

جاسم : لا والله هدفع مرتين مش أنا اللي دافع
ثمن الأكل يابت

خديجة : ايوة بس ده ثمن شغلي ولا أنت
هتشغلني ببلاش

فضحك جاسم وقال : بس كده حاضر. ممكن
تسكتي بقا علشان أعرف احكم علي الشغل
يووووه قصدي الاكل

خديجة : حاضر أتفضل حضرتك

عن أذنك

جاسم : أية مش هتاكلي معايا

خديجة : لا الحمدللة سبقتك

وفي نفس اللحظة يرن هاتف المنزل لتقوم
خديجة بالرد ولكنها تصدم ولم تستطع النطق

.... " الو " اخبارك اية يا خديجة ??

فلاذت خديجة بالصمت قليلا ثم قالت :

الحمدللة خير ياناهد اي خدمة

ناهد : ليه طريقة الكلام دية ياخديجة وانا اللي

قلت انك هتساعديني

خديجة بسخرية : أساعدك في اية يا ناهد

ناهد : انا معترفة اني غلطت في حقك كثير
لكن عارفة انك طيبة و هتسامحيني وتساعديني
ارجع لجاسم ثاني

خديجة : اساعدك ترجعي لجاسم ثاني علي ما
أظن انه صعب بعد كل اللي حصل منك
ناهد : يعني مش كفاية اني اعترفت بغلطي
واعذرت لكي

فلاذت خديجة بالصمت قليلا ثم قالت : حاضر
يا ناهد هحاول وفجأة قطع حديثهما اخيها
جاسم ويقول :

مين يا خديجة

خديجة باضطراب : لا مافيش

فيقترب منها وياخذ منها سماعة الهاتف
ويضعها علي أذنه ومازلت ناهد تكمل حديثها
قائلة:

خلاص ياخديجة هستنا ردك واوعدك انك لو
تقدرتي تساعديني اني ارجع لجاسم ثاني عمري
ما ازعلك ثاني

فنظر جاسم لخديجة التي احمر وجهها خجلا
منه

ونظرت في الارض

ثم قال لناهد : من فضلك انسي انه ده يحصل
واخر مرة اسمع صوتك ثاني فاهمة واغلق
الخط ثم نظر لخديجة وقال

من امتي وانتم بتتكلّموا مع بعض

خديجة : دي تاني مرة تتصل وزى ما سمعت
بتحاول تصالحنى وبتقولى انها بتحبك وعايزة

ترجع

جاسم : لا لا يمكن هترجع تاني خلاص عن

اذنك

وانصرف جاسم من امام خديجة ودخل غرفته

فجلست آلاء على سرير سمية وامسكت

بوسادتها وأحتضانها وبدأت تقص على سمية

ما حدث معها على مدار اليوم

سمية : يالهو ووي الواد القمر ابو عيون

ساحرة معجب بيكي

وشريف ابن خالك كمان معجب بيكي

يابنت المحظوظة وأنتي يالولو عايزة مين

آلاء بحيرة : عايزة مين

وصممت وشردت ولم تتفوه بحرف فنظرت لها

سميه بحيرة وقالت :

انطقي عايزة مين

الآء : مش عارفة وبعدين انا مشاعري عادية

اتجاه الاتنين

سمية : ازاي ي بنتي لازم تحدي أنتي عايزة

مين وناوية علي اية

آلاء : احدد اية بس بقولك انا مشاعري اتجاه

الاتنين عادية لكن وصممت

سمية : ايوة ولكن ديه اللي عايزة اعرفها

الآء: ولكن انا لازم امشي هتأخر يا لا سلام
بكرة ناوية علي مدرسة ولا أية

سمية: ان شاء الله بس كملني بقا لكن اية

الآء: بعدين يا لا سلام وانصرفت الآء
وبمجرد وصولها لباب العمارة فاذا بشريف
ينتظر خروجها وهو يقول في نفسه

حينما تأتي يأتي الربيع .وهاانا هنا اشتقت للربيع
مشتاق وفي قلبي لهفه كزهرة في جنة
عيونهار حماك ياشوق رفقا بقلبي فيكفي قلبي من
الفؤادوهي الوداد والاهل هي الزاد

مشتاق اليها كشوق الوردده لرحيقها اشتقت
لصوتها لعيونها

و عندما رأته آلاء اقتربت منه بعجب وقالت

شريف انت ليه واقف كده نت ليه مامشيت

شريف بخجل : ابدأ قلت استناكي اوصالك

علشان اطمئن عليك

فأبتسمت آلاء وقالت : طيب نفترض أني كنت

أتأخرت

شريف: كنت هستناكي برضو مهما أتأخرت

عليا هستناكي

فنظرت آلاء في الأرض وأحمر وجهها خجلا

وقالت :

طيب يالا نمشي

شريف وهو يبتسم : اتفضلي ثم تتهد شريف
وقال :

علي البيت و لا عندك مشوار ثاني

آلاء: لا علي البيت

شريف : طيب ممكن نقعد في مكان نشرب اي
حاجة

آلاء: لكن خايفة أتأخر علي ماما

شريف: اطمني ممكن نتصل بها ونعرفها انك
معايا اي رايك

آلاء: ماشي ثم أبتسمت له وقالت : بس مش
هنشرب

انا جعانه

فضحك شريف وقال : تحت امرك ياباشا

وبالفعل اتصل شريف بوالدة آلاء واستاذن

منها ووافقت بشرط عدم التأخير

نظر شريف بعد انتهاء مكالمته مع عمته لآلاء

وقال :

اتفضلي وبالفعل ذهب شريف و آلاء الي مطعم

وطلب الطعام وبعد انتهاءهم من الطعام نظر

شريف في آلاء وقال :

وإمتلأ قلبي بالأمل حين جلست بجوارى حين

جلست وكأنها الجمال قد جلس بجوارى قمر

هي بل الف قمر قريبا جنه هي حوريه جائتني

بنور من الجنه فرح قلبي ورقص حين منت

عليا بقربها ورقص الهنا بين ضلوعي حين
أقتربت بجواره

ياحبيبي هلم انظري لعينيابي فقد اشتقت للسحر
للجمال

في عينيكي اري سفن عشقي . في عينيكي قد
ولد عشق أخاف ان المس يدها فأحترق من لذة
الدفء يكفيني منها نظره لمسسه همسه هي الدنيا
هي الوطن هي الجنه ياحبيبي وانتي بقربي
اشعر بلذه ولهفه اشعر أني امير قد زاد ملكه
وجلست علي عرشه الفرحة

فأحمر وجهه آلاء خجلا وقالت:

الله جميل ياشریف بجد احساسك عالي

شريف وهو ينظر اليها :

أنتي مصدر احساسى وألهامى يا آلاء ثم
صمتت قليلا ثم قال : آلاء انا بحبك ممكن
أعرف حقيقة مشاعرك من ناحيتي

نظرت آلاء في الأرض خجلا ثم رفعت
بصرها اليه وابتسمت وقالت :

كفاية كده يا شريف علشان اتاخرت

شريف: زي ما تحبى أتفضلي

وخرج شريف وبجانبه آلاء وهو يمني نفسه

بحبها له

في صباح اليوم التالي

استيقظت آلاء كعادتها لاستقبال يوم جديد وتبدأ
يومها بالصلاة وبعد انتهائها ترتدي الزي
الخاص بالمدرسة وتمسك بهاتفها لتتصل
بصديقتها سمية

سمية : الو صباح النور يالولو

آلاء: صباح الخير خلاص جهزتي

سمية : ايوة يا قمر نازلة حالا

وبمجرد ان انتهت آلاء مكالمتها وأستعدت

للخروج رن هاتفها

فنظرت في شاشة هاتفها وابتسمت

آلاء: صباح الخير أزيك يا شريف

شريف: صباح الفل أنا اسف أني اتصلت بدري

كده لكن بصراحة وصمت

آلاء: خير بصراحة أية

شريف: أنا منتظر تحت علشان أوصلك

للمدرسة

آلاء بتوتر : انا مش عارفة أقولك أية

بصراحة يا شريف أنا مش لوحدي انا هيكون

معايا سمية

فتنه شريف بحزن وقال : ولا يهك يا آلاء

واغلق شريف الخط وهو كان يتمني رؤيتها

ولكنه قرر أن ينتظرها ليرها حتي ولو من بعيد

اما آلاء تنهدت بضيق وقالت في نفسها :

وبعدين يا شريف وبعدين ثم اخذت حقيبتها

وانصرفت وبمجرد خروجها من باب العمارة
استقبلتها صديقتها سمية قائلة :

حبيبي واحتضانتها ونظرت في عين آلاء التي
يملؤهما الحيرة وقالت

مالك يابنتي علي الصبح

آلاء: ولا حاجة يالا بينا

وانطلقتا الي المدرسة وشريف مراقبا ومتابعا
لحبييته وبعد انتهاء اليوم الدراسي وعند
خروج الفتيات من المدرسة كان هناك من يقف
ينتظر خروج آلاء

الثلاثة

بالفعل كانوا الثلاثة ينتظرون خروج الآء
وبمجرد ظهور الآء وبمجرد ان راءها جاسم
تهللت اسارير وجهه واقترب فرحا فاذا
بشريف يقترب هو الآخر اتجاه الآء ويبتسم لها
فلم يحتمل جاسم فاسرع اليه ووضع يده علي
كتف شريف وقال :

في حاجة فالتفت شريف بحيرة وابتسم أبتسامة
مبهمة وقال : حضرتك اللي في حاجة

فقبض جاسم قبضة يده ليسدد لشريف لكمة
فاغمض شريف عينيه وصرخت الآء قائلة :

لالالا ده ابن خالي

وعندما سمع جاسم هذه الجملة انزل يديه وهو

ينظر إليها بحرج في حين فتح شريف عينيه
والدهشة تتبعث منها وقال :

ممكن افهم حضرتك مين

فابتلع جاسم ريقه وتصبب عرقا ثم قال

انا اسف انا اختي فالمدرسة هنا وفهمت غلط

بحسب حضرتك بتعاكس الانسة ولاني لا

يمكن اسمح لشخص يقرب من اختي فصدر

مني ده ثم ابتسم أبتسامة بسيطة ورجع بظهره

وهو يقول انا بعذر وانصرف أما أسامة فيقف

من بعيد مراقبا لما يحدث ويقول في نفسه وهو

يبتسم ويرتدي نظارته :

مكتوبالك ياابن المحظوظة كان نفسي تجرب

ايداه ثم قال

وهو يركب سيارته :

طيب والحل هتكلم معاها ازاي

وأنصرف الي شركته بينما نظرت آلاء لشريف

وقالت:

خير يا شريف

شريف: كنت عايز اتكلم معاكي فاقتربت منها

صديقتها سمية وقالت : خلاص روي أنتي يا

آلاء وابقى طمني عليكي

وانصرفت سمية بمفردها وانصرفت آلاء مع

شريف

وبعد وصول اسامة للشركة أبتسم للسكرتيرة

واسرع بالدخول لمكتبه .واذا بريري في
انتظاره

فيتهد ويتسم لها ابتسامة باهته ويلقي بمفاتيحه
ونظارتة علي المكتب فتقترب منه ريري قائلة:

ازيك يايببي وحشتني مووت

فينظر اليها اسامة ويقول في نفسه :

موته تخذك ياشيخة واخلص منك

ريري بدلع : حبيبي عامل اية

اسامة بقرف : أيه ياريري وبعدين

ريري : وبعدين في اية يا حبيبي

اسامة : هو مش انا حطيت النهاية ونزلت

الستار

ريري بنظرة كلها تحدي :

لا يا حبيبي لسة بدري علي النهاية ولسة بدري

اوووي

علي تتزيل الستار ثم قالت :

انا جيت افكر ك بكرة الخميس

اسامة بخبت : وماله الخميس

ريري محاولة إخفاء غضبها :

عيد ميلادي يا بيبي و اعلان خطوبتنا علي فكرة

انا عزمت كل اصدقاءنا وقلت لهم علي عيد

ميلادي لكن الخطوبة هنعلن عنها لما الكل

يحضر علشان تكون مفاجأة ثم انصرفت

وجلس اسامة علي مقعده والقي براسه علي

الكرسي واغمض عينيه

فطرق عمر باب مكتبه ودخل قائلاً:

الباشا عامل اية

اسامة وهو يمسح بيديه علي وجهه :

تمام الحمدللة

عمر : مالك يا بني

اسامة : لا ابدأ لخص وقول عايز اية

عمر : ولا حاجة ناوي علي اية بكرة يا كبير

فرمقه اسامة نظرة غاضبة وقال:

هفاجئكم و صمت في شروء

وبعد انصراف سمية بمفردها ذهبت الاء مع

شريف نظر اليها شريف وقال :

مين ده يا آلاء

آلاء : معرفش يا شريف هتلاقي افتكرك

بتعاكسني

وذهب شريف و آلاء الي كافيه وبعد ان جلسوا

نظر شريف لآلاء وقال : آلاء فنظرت اليه

في صمت فقال :

وحشتيني فنظرت آلاء في الأرض خجلا

ثم اعاد شريف منادتها قائلا :

آلاء فرفعت بصرها اليه فأبتسم وقال : بحبك

فأبتسمت آلاء وقالت : شريف ممكن لو سمحت

فقاطعها شريف قائلا بحبك

آلاء : شريف من فضلك ياريت نكون اخوات
بس من فضلك

شريف وهو ينظر إليها بحبك بحبك
فنظرت إليه آلاء لتلتقي عيناها بعيناه ولم ينقذها
من نظراته غير رنين هاتفها فاسرعت مبتعدة
وكان اسامة هو المتصل فقامت بالرد وتعمدت
الاطالة في الحديث معه لانقاذها من نظرات
شريف

وبعد انهاء محادثتها مع أسامة بوعد باللقاء
فالغد للحديث معها رجعت ببطء شديد لشريف
وهي تقول في نفسها

مش قادرة اتحمل ياريت اقدر اقولك يا شريف
اني مش بحبك ياريت اقدر

شريف وهو بتسم لها مين يا آلاء

آلاء: ديه ماما كانت بتطمن عليا علشان

اتأخرت

شريف : طيب يالا بينا علشان ما تتأخريش

وانصرف شريف و آلاء الي بيت عمته

وبعد وصولهم نظر شريف ل آلاء وقال

آلاء فنظرت إليه آلاء فقال هتوحشيني

آلاء ودقات قلبها تزداد بسرعة : مع السلامة

يا شريف

وأنطلقت من أمامه كسرة البرق

اما جاسم فذهب للنادي وهو في قمة الحزن لما
حدث ويسأل نفسه هل تربط آلاء وشريف
علاقة من اي نوع هل حبيبها هل خطيبها ام
مجرد ابن خال

فأغمض عينيه بقوة في أسف وألم ويقول في
نفسه :

رايح لفين يا جاسم معقول تكون حبيبها
تحب بنت ما تعرفش عنها حاجة ازاي
أعقل يا جاسم انت كانت لك تجربة فاشلة
وبعد وصوله للنادي دخل مسرعا لغرفة تبديل
الملابس لمباشرة عمله

أما آلاء بمجرد وصولها وفتحت لها والداتها
الباب

قبلتها وقالت ماما انا تعبانه ونفسي انام محدش
يصحيني

واسرعت لغرفتها والقت بحقيبتها وأرتمت علي
فراشها ثم جلست علي السرير وامسكت
بهااتفها وأتصلت علي صديقتها سميه

سميه: حبيبي طمئيني عليكى عاملتي آيه مع
شريف

آلاء بحزن مخنوقة ياسميه مخنوقة جدا
سمية : ليه بس يا آلاء حصل آيه صحيح مين
الشاب اللي كان هيضرب ابن خالك ده
آلاء في حيرة:

ولا أعرف عنه حاجة تفتكري عمل كده ليه

سمية : والله باين عليه بيحبك وبيغير عليك

كمان

آلاء : بيحبني

سمية : المهم احكي لي عاملتي ايه مع شريف

آلاء : شريف انا يا سمية اهو شريف ده

هيكون سبب وجع قلبي بيحبني لدرجة صعب

اوصفها لك

سمية : طيب وانتني

آلاء : أنا مافيش اي مشاعر من ناحيته غير اني

برتاح نفسيا معاه

سميه بخبت : طيب والواد ابو عيون ساحرة

آلاء : تقصدي أسامة والله ما عارفة ساعات

بحس أن في حاجة بتشدني له وساعات بحس

انه عادي

سمية : لالا دي انتي عايزة قعدة

شردت آلاء للحظة وانتبهت علي صوت سميه
تقول

روحتي فين يابنتي ردي

آلاء : معاكي سميه تقدري تيجي شوي مخنوقة
عايز اتكلم معاكي

سمية : حاضر هحاول و هتصل بيكي اقولك

آلاء : تمام بسرعة هستنا رداك

واغلقت آلاء الخط وهي تتذكر جاسم وهو
يضرب اسامة من اجلها ثم تنهدت والتفتت الي
الجهة اليمني لتراه وهو يحاول ضرب شريف

من اجلها

بعد دقائق اتصلت عليها سمية تؤكد حضورها
وبعد وصول سميه واستقبلتها آلاء وجذبتها الي

غرفتها

سمية : براحة يا بنتي في أية

آلاء وهي تقلق باب غرفتها وتتنظر لصديقتها

وملامحها يكسوها الحزن :

سمية انا مخنوقة مخنوقة جدا

سمية بقلق : سلامتك يا حبيبي مالك قلقتيني

عليكي

آلاء : مش قادرة اتحمل حب شريف ليا وانا

مش قادرة اواجهه واقول اني مش بحبه ومش

عارفة اعمل اية مع اسامة

واحساسي متلخبط ومش عارفة احدد إذا كان
ده حب ولا مجرد انبهار به وبوضعه ومش
فاهمة حقيقية المشاعر اللي وصمتت وسقطت
دموعها

سمية: كمللي مشاعر اية

آلاء: مش عارفة جوايا مشاعر غريبة أتجاه
الشباب اللي كان هيضرب شريف

سمية: معقول ده انتي متعرفيش عنه حاجة

آلاء وهي تبكي فعلا لكن دايمًا صورته اداامي
وعندي احساس كبير اني نفسي اعرفه واقرب
منه مش عارفة ليه

فأقتربت منها سمييه ثم رفعت يدها ومسحت
علي رأسها وقالت ممكن تهدي طيب

آلاء بحيرة : تفتكري ده معناه أية

سمية بيقين معناه انك حبيته سبحان الله أتتني
يتمنوا الرضا لكي ويتمنوا القرب منك ورغم
كل ده قلبك ما دق الا لشخص ما عرفيش حتي
أسمه وحقيقة مشاعره

فرفعت آلاء بصرها إلي سمية وقالت :

تفتكري بيعمل كل ده ليه تفتكري غيره ولا
مجرد شهامة

فنظرت إليها سمييه بحيرة وكادت أن تنطق
ولكن يرن هاتف آلاء فنظرت آلاء لشاشة
هاتفها ثم ألتفت لسمييه قائلة:

اتفضلي شريف بيتصل

سمية: ردي طيب بسرعة

فقامت آلاء بالرد :

أيوة يا شريف

شريف: وحشتيني

فتنهت آلاء ونظرت لسمية وقالت

شكرا يا شريف

معلش سمية عندي لما تمشي هتصل بك

شريف: تمام هستناكي

وأنهت آلاء مكالمتها ونظرت لسمية وقالت

قوليلي اتصرف ازاي

سمية: والله ماعارفة اقولك اية ثم قامت واقفة

وقالت

انا همشي وربنا معاكي

آلاء: خليكى شوية

سمية: معلش علشان ما اتاخرش يالا سلام

اشوفك بكرة

آلاء: أن شاء الله مع السلامة

وبعد ان انصرفت سمية نسيت آلاء وعدها مع

شريف بالاتصال وجلست تفكر هل ستراه في

الغد أم لا

وفي اليوم التالي

"الخميس" قرر جاسم مواجهة آلاء بما
يكمن لها من مشاعر وبالفعل ذهب في ميعاد
خروجها من المدرسة وانتظرها وعندما
رأها أقرب منها ووقف امامها فأبتسمت له
آلاء وقلبا ينبض بشدة

فتنهده جاسم ثم قال:

مساء الخير

آلاء وهي مازالت محتفظة بابتسامتها :

مساء النور

جاسم : أنا كنت عايز أعتذر عن اللي صدر

مني امبارح

آلاء: بالعكس انا اللي المفروض اشكرك

علشان شهامتك والمفروض اي شاب يكون

زي حضرتك عنده نخوة وشهامة علي اي بنت
بتتعاكس

فأبتسم جاسم وقال : اه فعلا لازم يكون عندنا
نخوة وشهامة علي اي بنت ثم ابتسم لأنه لم
يفعل ذلك إلا لغيرتها وحبها لها

آلاء : تمام صحيح حضرتك قلت ان لك اخت
فالمدرسة فعلا وهي في سنة كام

جاسم بتوتر : اه ثم صمت قليلا ثم قال : لا ثم
نظر اليها وقال بصراحة انا ماليش اخوات هنا
انا قلت كده لما حسيت بخرج من خطيبك
آلاء في دهشة تصاحبها ابتسامة : خطيبي

خطيبي مين

جاسم وهو كان متعمدا ذلك ابن خالك مش هو

خطيبك برضو

فصمتت آلاء فنظر إليها جاسم محاولاً قراءة

ردها من عينيها

ثم نطقت آلاء وهي تبتسم ابتسامة هادئة:

لا مش خطيبي ده ابن خالي وبمثابة اخ ليا

جاسم وهو ينقل نظرتة بين آلاء وبين المارة

اه ربنا يخليكم لبعض

آلاء بحيرة : هو حضرتك قلقان من حاجة

جاسم بارتباك لا تم قال اه قلقان قلقان

عليكي يا انسة

آلاء : انا اسمي الآء وحضرتك

فابتسم لها جاسم وقال : انا جاسم وفي نفس

اللحظة يرن هاتف آلاء فتنظر لجاسم قائلة:

لحظة واحدة

وقامت بالرد

" الو " ايوة يا شريف خير في حاجة

شريف : استنيت كثير امبارح تتصلي زي ما

وعدي

وخفت اتصل از عجاك وتتهد ثم قال :

وخفت اجيلك المدرسة تدايقي

آلاء : لا ابدا انا اصلا بروح مع سمية وهتصل

بك لما أكون لوحدي

شريف : تمام في انتظارك بس اوعي تنسيني

زي امبارح

آلاء: لالا ان شاء الله سلام دلوقتي

واغلقت آلاء الخط وهي تنظر لجاسم وتبتسم

اسفة ده ابن خالي

جاسم بحيرة : اه . اكيد كان بيظمن عليك

بمثابة اخ طبعا هو بيتصل بيكي دائما

آلاء: علي فكرة انا وحيدة ماليش اخوات

خالص وفعلا شريف اخ مش اكثر

جاسم : تمام ممكن طلب بعد اذنك ؟

آلاء: اتفضل

جاسم بتوتر : هو ينفع اتكلم معاكي ثم اخرج

منديل ومسح عرقه ثم قال نقعد في كافية لو ينفع

آلاء بعد صمت : موافقة

جاسم بعد تصديق ما سمع : موافقة علي اية

آلاء بخجل : اننا نقعد في كافية و نتكلم

فرقص قلب جاسم فرحا وقال : اتفضلي

وذهبت آلاء مع جاسم ولم تكن تعلم ان هناك

من يقف متابعا لها من بعيد ولم تكن تعلم كم

كسر قلبه برؤية جاسم معها ما اصعب ان

تصدم في حبك ما أصعب ان تكتشف أن

مشاعرك مجرد وهم وخيال صنعته لنفسك لتحيا

بهذا الحب كم الم قلب شريف نعم شريف لم

يستطع اخبار آلاء انه بانتظارها امام المدرسة

واكتفي بالمكالمة وظل مراقبا ومتابعا لهما في

صمت حتي انصرفهم ولكنه اخذ القرار

اما في ذلك اليوم فلم يستطع اسامة الذهاب
لألاء ليراها فكان لا يستطيع التفكير في اي
شيء غير كيف يتخلص من ريهام . فلم يذهب
ذلك اليوم الي الشركة وظل في غرفته يفكر في
التخلص من هذه الخطبة فتطرق والدته باب

غرفته

اسامة بضيق أتفضل

فدخلت اشجان ونظرت لها بحنان وقالت:

وبعدين ناوي علي اية فهمني

فنهض اسامة وامسك بيدها وقبلها وقال

امي حقاك عليا مش هقدر انا وصمت ونظر في

الارض

اشجان : انت بتحب البنت اللي حصل معاها

الحادث صح

اسامة بضيق شديد : والله ماعارف اقولك اية يا

امي لكن سواء في حد في حياتي او لا انا

وريري مش مناسبين لبعض

اشجان بحيرة : وناوي على اية

اسامة : مش هروح ياامي مش هروح واي حد

يتصل قوليله نزل مش موجود ممكن يا اامي ؟

اشجان : هتبقى كبيرة في حق عمك

اسامة : عمي مش عايز غير مصلحته من

فضلك ريحني

اشجان : حاضر حاضر يا أسامة وانصرفت

واغلقت الباب

اما جاسم و آلاء كم كانوا في قمة السعادة
خصوصا بعد ان فتح كلا منهما قلبه للاخر
جاسم : يعني انا مشاعري كانت صح وانتي
بتبادلني نفس المشاعر

نظرت آلاء في الأرض خجلا ثم نظرت اليه
وقالت :

ايوة

جاسم بسعادة لا تضاهيها سعادة :

يعني توافقي تتجوزي واحد كان له تجربة
زواج فاشل

آلاء وقد احمر وجهها خجلا:

أيوة موافقة اللي يحافظ علي اخته وكرامتها
علي حساب سعادته يبقى اكيد هيحافظ علي

مراته

فتنه جاسم وتهلت اساوير وجه وقال
وانا اوعدك اني عمري ما هظلمك واني اسعدك
طول عمرك ثم نظر اليها وقال : بحبك بحبك
ثم اغمض عينيهِ وقال : يااااه من ستة شهور
وانا بتمني اقولها لك

فنظرت إليه آلاء في الأرض خجلا ثم قالت
طيب ممكن نمشي بقا هتاخر

جاسم: تمام و هتصل بيكي علشان اجي ازور
بابا

آلاء بفرح : ان شاء الله

وقاموا للانصراف وهما في غاية السعادة

اما اسامة بالفعل لم يذهب لعيد ميلاد ريري
واغلق هاتفه وبرغم محاولات ريري للوصول
اليه باءت جميع محاولتها بالفشل وكانت في
غاية الغضب هي وعمه من رد فعله ولكنهما
لم يظهروا هذا امام ضيوفهم فبدات ريري في
التنقل من ضيف لآخر الي ان استقبلت ياسر
ابن اكبر رجال الاعمال في مصر

ريري : اهلا ياسر وقامت بمد يدها وقالت
شرفت حفلتنا المتواضعة

ياسر وهو يضع قبلة علي يدها وينظر اليها
برقة : بالعكس ده شرف ليا انا ياريري هانم
فابتسمت ريري ونظرت لابيها الذي ما كان منه
الا ان ابتسم لها وقام بهز راسه

ياسر : ممكن ريري هانم تسمحي بكلمتين

ريري : اكيڊ طبعاً اتفضل وانصرفت معه
وتبادلا الحديث ونسيت ريري اسامة لانها
ووجدت ضالتها ووجدت حلمها والغني مع هذا
الشباب الجديد فقررت ان لا تضيعه من يدها

وبعد مرور ايام ذهب اسامة ليري الاء وعندما
خرجت

من المدرسة ووجدته في انتظارها فاقتربت منه
وقالت :

اهلا اسامة كنت فين كل ده

اسامة : والله زعلانه منك جدا اغيب اغيب

كأام يوم ولا تسألني عني

آلاء وهي تبتمس والله أسفة لو عرفت هتعذرني

اسامة : طيب يالا اركبي واحكي لي وكمان

عندي مفاجأة لكي

ابتسمت آلاء وركبت معه سيارته وذهب اسامة

بها الي النادي وبعد جلوسهما ابتسم لها وقال :

اتفضلي ارغي قصدي احكي حصل اية معاكي

آلاء: بصراحة قريب جدا هتخطب

وعند سماع اسامة هذه الجملة لم يعلم ماذا حدث

لقلبه فهو كان سيفاتها بالزواج صمت اسامة

ولم يتفوه وينظر لآلاء في صمت وكأنه نسي

الكلام وهي مازالت مستمرة في سرد حكايتها

مع جاسم

فنظرت آلاء الي اسامة بدهشة وقالت

مالك يا اسامة

اسامة ساخرا: يعني مش عارفه مالي ثم قال :

آلاء انا كنت هكلمك في الجواز

آلاء بأرتباك : اسامة انا فعلا بتشد لك وبحب

اتكلم معاك لكن كاخ مش حبيب

فنظر اسامة وامسك بيدها وقال :

وانا بحبك عملت كثير علشان اقدر اقولها لك

ثم نظر في الأرض ثم رفع راسه اليها فرأها

تتنظر في اتجاه معين بفرع .فألتفت الي ذلك

الاتجاه فراي جاسم واقفا ينظر اليها بغضب ثم

انصرف فترك يدها ونظر إليها وقال :

انا اسف مقصدش هو مدرب في النادي هنا

آلاء ودموعها تتساب علي خديها

ماكنتش اعرف في اي نادي والعمل اي

دلوقتي

اسامة : للدرجاتي قامت آلاء واقفة وهي

تبكي وقالت :

اسامة من فضلك ساعدني وقولي اعمل اية

فنظر إليها اسامة وارتدي نظارته وانصرف

اما آلاء فاسرعت لتساعل عن جاسم فاخبرها

الامن برحيله

اما اسامة بعد خروجه من النادي مكسور القلب

ذهب للشركة ودخل مكتبه والحزن يكسو وجهه

وجلس علي مقعده وطأطأ براسه للأسفل ووضع

يدها علي راسه ثم تنهد ورفع راسه لاعلي وهو

يغمض عينيه واخرج ورقة ونظر بها وامسك
هاتفه وضغط علي ازاره وانتظر الرد

اما شريف كم كان قاسيا عليه الامر فقرر
الابتعاد واثاء شروده رن هاتفه فنظر في
شاشة هاتفه ويبتسم ويقوم بغلق الهاتف . فهو لم
يستطع الرد عليها (الاء)

وظل هكذا حبيس غرفته ولكنه بداخلها بركان
وامسك بقلمه وكتب

أنا اول من ظلمت قلبي وقلبي اول من عصاني
وابكتني التي كنت لها ابتسامه كيف إستباحث
مشاعري لا ألوم علي الحب إن كان احبابي من

ورق هي التي قست علي قلبي حتي انفلق
غريب انت يا قلبي حظك في الحب فقيرة دائما
تعشق كل حقير ظننت أنها هوتتي ولكنها قد
هوت غيري هذا ليس عدل هذا ألم قلبي لن
نعيب علي الحب فالحب بعيد عن اوطانه كل
اصبح سراب هو وجماله وحنانه

فطرق والده باب غرفته ودخل ونظر اليه وقال
بغضب

اية يا شريف اللي سمعته من امك ده عايز
ترجع الكويت

شريف : ايوه بابا انا قررت ارجع الكويت

السيد : وليه ان شاء الله

شريف : مش مرتاح هنا

السيد : يا شريف انت مش مرتاح لانك عايش
في وحده طيب اي رايك نخطبك بنت كويسة

شريف : مش بفكر في الجواز

السيد : لا ما انت لو عرفت اختارت لك مين
هتغير رايك

تتهد شريف والتزم الصمت

السيد : اختارت لك آلاء بنت عمك

انا شايف ان عندكم ميل لبعض .

شريف بعصبية بابا من فضلك انسي

الموضوع ده وانا بجهز نفسي خلاص وده قرار

نهائي وانصرف خارج الغرفة غاضبا وفتح

الباب الشقة وانصرف

اما آلاء فاسرعت الي سمية وهي حزينه
وبمجرد ان فتحت سميه الباب ارتمت آلاء
باحضانها وبكت

سمية بفرع : مالك يا آلاء ؟ فيكي ايه

آلاء وهي تبكي : الحقيني قوليلي اعمل ايه

سمية : في ايه طيب قولي

فقصت آلاء علي سمية ما حدث فتظرت لها
سمية بغضب وقالت :

انتي غلطانه ليه روحتي معاه . انا قلتلك لازم
تختاري واللي تختاريه تخلصي له بجد انتي
تستاهلي

فبكت آلاء بصوت مرتفع فاختضانتها سميه

وقالت :

اسفة خلاص اهدي اتصلي به وفاهميه كل

حاجة

آلاء : مش بيرد عليا حتي شريف قافل فونه

سمية : والله انا اللي واجع قلبي اكر شريف

بجد حبك حب كبير

آلاء : انا عمري ماقلت لحد فيهم بحبك لكن انا

بحب جاسم

سمية بحيرة : طيب والحل

آلاء : خدي رقم جاسم وكلميه انتي وفاهميه اني

بحبه

سمية : طيب هاتي واعطتها آلاء الرقم وقامت

سمية بالاتصال ثم نظرت الي آلاء وقالت :

الرقم مشغول

آلاء: حاولي تاني وتالت يالا

سمية: حاضر فحاولت فرن هاتف جاسم

فنظرت لآلاء وقالت: جرس .

آلاء وهي تراقبها في قلق رد

سمية: لا كنسل عليا

آلاء: طيب حاولي تاني

سمية: شوية طيب اطمني ان شاء الله خير

اما جاسم عندما رجع بيته دخل غرفته واغلق
علي نفسه ولا يصدق ما رآه ويتساءل هل هي
تلعب بمشاعره واية نوع العلاقة اللي بينها وبين
هذا الشاب وفجأة يرن جرس الباب لتقوم

خديجة بفتحه فاذا امامها اسامة فيخلع نظارته

الشمسية ويقول :

مساء الخير منزل الاستاذ جاسم

خديجة : ايوة اقوله مين حضرتك

اسامة وهو بيتسم لها : اسامة

خديجة : حاضر لحظة واحدة واسرعت الي

غرفة جاسم وطرقت الباب فقام جاسم بفتحه

وقال مين ياخديجة

واحد بيقول اسمه اسامه فخرج جاسم واسرع

الي الباب ونظر لاسامة وقال خير في حاجة

اسامة باحراج خير طبعا لكن ينفع نتكلم علي

الباب

فتنه جاسم واذن له بالدخول وقال

اتفضل

ودخل جاسم وجلس وقال :

اولا انا بعتذر لك علي حضوري انا اخذ رقمك
وعنوانك من النادي واتصلت بك لكن مش بترد
فقررت اجي بنفسي

جاسم: اهلا وسهلا لكن خير

أسامة : صدقني في سوء تفاهم

جاسم بغضب : سوء تفاهم والله ازاي حضرتك

اسامة : آلاء بتحبك وكانت بتحكي لي عن حبها

لك .

جاسم بسخرية : ومسكت ايدها علشان تصبرها

علي الشوق

اسامة باحراج : لا ديه غلطتي انا وبدأ يقص

عليه كل شيء فطرقته خديجة الباب ودخلت
لتقدم عصير الليمون فنظر اليها اسامة وابتسم
ونظرت له خديجة واسرعت للخارج فراقب
اسامة خروجها حتي اغلقت الباب فنظر جاسم
له وقال :

اية في حاجة فتنحج بخرج وقال لا خالص
وقص عليه كل شيء ثم قال : آلاء بتحبك
انت بلاش تخسر واحدة الفلوس والمركز ما
يلفتوش نظرها علشان بتحبك

فنظر جاسم في الارض ثم رفعها وابتسم وقال :

اشكرك

اسامة براجعة نفسية : الحمد لـ هتعموني

علي الفرح

جاسم : اه طبعا اكيد

اسامة : تمام استاذن انا وعندما فتح جاسم الباب
كانت خديجة بالخارج فنظر لها اسامة وقال في
نفسه

اد ايه جمالها بريء ثم التفت الي جاسم وابتسم
وقال :

عن اذنك وانصرف اسامة واغلق جاسم الباب
ودخل غرفته ليرن هاتفه فيقوم بالرد
" الو "

سمية بأرتباك واضح : استاذ جاسم

جاسم: ايوة معاكي مين حضرتك

سمية وهي تنتظر لالاء بخوف من رد فعله

انا سمية صديقة الاء

فابتسم جاسم وقال :خير حضرتك في حاجة ؟

صمتت سمية وكان قيد لسانها فقال جاسم :

" الو " فاخذت منها آلاء الهاتف وعندما

وضعت علي اذنيها وسمعت صوته خفق قلبها

وبكت

جاسم : " الو " معاكي انسة سمية

آلاء وهي تبكي : انا اسفة لكن والله انت فاهم

غلط

جاسم محاولا السيطرة علي مشاعره

غلط ازاي ده كان ماسك ايدك

آلاء وهي تبكي بمرارة طيب اشوفك واشرحلك

وبعدها قرر اللي تحبه من فضلك

جاسم وهو يبتسم اوك في النادي بعد ساعة

بالظبط.

الاء وهي تمسح دموعها : تمام انا هكون في

انتظارك

فانتفضت الاء وقبلت سمية وقالت : شكرا

ياحلي صديقة في الدنيا هقابلة ف النادي

وانصرفت مسرعة

اما جاسم فقام بالاتصال باسامة :

اسامة : " الو " ايه الشرف ده

فضحك جاسم وقال : محتاج خدمة اهو تكفر

عن سيئاتك فضحك اسامة وقال :

تحت امرك اتفضل

جاسم: هقابل الاء في النادي بعد ساعة ممكن

تكون هناك

اسامة وهي يعقد حاجبيه

طيب ليه ممكن افهم

جاسم: من فضلك

اسامة : حاضر نتقابل علي باب النادي

جاسم: تمام مع السلامة تحت أمرك

وانهي اسامة المكالمة وهو في حيرة من امر
جاسم ولكنه قام للذهاب للنادي وبالفعل تقابل هو

وجاسم علي باب النادي اما علاء فكانت في

انتظار حضور جاسم وفجأة اقترب منها

اسامة وهو يبتسم ويقول :

آلاء انتي لسة قاعدة

آلاء وهي تلتفت حولها برعب من حضور

جاسم :

اسامة لا خالص ثم قالت بارتباك بصراحة
جاسم جاية طلبت منه نتكلم علشان اوضح له

الصورة صح

اسامة بخبت : اه فهمت طيب اقعدني وجلس
اسامة عالمقعد اما الاء وقد ازدادت نبضات
قلبيها :

من فضلك ماينفعلش جاسم يشوفك تاني معايا
عن اذنك

فقام اسامة واقفا وكادت ان تنصرف ولكن تفاجأ
بجاسم يقف امامها فتحقق به رعبا وتسقط
دموعها

اما اسامة فيبتسم ويقترب من جاسم ويمد يده
بالسلام وهو يقول : اتمني لكم السعادة ثم التفت

الي آلاء وقال : اطمني الصورة انا وضحتها
ربنا يسعدكم

وانصرف اسامة من امامهم واقترب جاسم من
آلاء وقال : تتجوزني يا بت

فابتلعت آلاء ريقها وقالت بفرح : ايوة اتجوزك
فامسك جاسم يدها وانصرفوا

اما شريف وبعد عودته للبيت قام بتحضر حقيبة
ملابسه ووالده ووالدته يحاولان فهم ما حدث ..
ولكنه يصمت ولا يبيح بسره لاحد ويمسك
بحقيبته ويقول :

انا نازل القاهرة اخلص شوي حاجات وهسافر
من القاهرة للكويت اشوف وشكم بخير

السيد : يا بني في اية

شريف : ابدأ انا مش مرتاح هنا وخلص
قررت السفر

السيد : طيب اللي يريحك بس افهم السبب

شريف : مافيش اسباب

السيد : طيب اللي بيسافر ده مش بيسلم علي
اهله ويودعهم

شريف : سلملي عليهم

السيد : لا ماينفعش تعال معايا وجذبه من
ذراعاه وانصرف به لبيت اخته محاولا ان يجد
احد يؤثر عليه

وبالفعل يذهب معه مضطرا وبعد استقبال عمته
لهم قام السيد بشرح كل التفاصيل لها فنظرت له
وقالت :

ليه يا شريف حد دايقك

شريف : لا ابدأ انا مش مرتاح هنا

وتدخل آلاء فتتظر الي شريف وتقول ايه ده

معقول

فينك يا بني

شريف وقلبه يحترق وينظر في الارض :

موجود اخبارك

آلاء وهي تتظر إليه بحيرة من لهجة كلامه :

الحمدللة

فينظر اليها شريف ويقوم واقفا ويقول

عن اذنكم علشان الحق القطر

آلاء: قطر قطر اية انت مسافر

شريف : ايوة . عن اذنك وانصرف من امامها
وقلبه ينزف من حبها ويقول في نفسه

سأهرب بقلبي من أوطانك سأتذكر قسوتك
وغدر حنانك

سأفر بكل ماتبقي سأفر واتذكر جفاك لن انسي
ردودك القاتله اتذكرها كي لا احن لعيناك
يارخيص المشاعر ياغني الغدر طوبي لأحبابك
أعيش في موت بطيء أعيش بعيد عن أيامك
ياحبيبي يامن كنت حبيبي هذه الأمي ولو عتي
وإنكساري سأجري معي باحثا عن أملي وحب
جديد عسي أن تطيب ايامي

وبالفعل هرب شريف وبعد ايام رجع الكويت

هاربا من حب آلاء وبقلبه جرح لا تستطيع ان
تداويه الايام

وبعد مرور ايام تقدم جاسم لخطبة آلاء وتم
الموافقة بشرط ان تكمل تعليمها وعلم اسامة
واتصل بجاسم وبارك له وطلب مقابلته
ضروري

وذهب اليه جاسم ليفاجأ بان اسامة يطلب خديجة
للزواج وبعد ان سأل جاسم خديجة عن رايها
ووافقت تمت قراءة الفاتحة وشرط جاسم ان
يكون ليله زفافه واخته في يوم واحد ووافق
اسامة

وبعد مرور سنة وانتهاء آلاء من دراسة
الثانوي تمت الزيجة وذهبت آلاء لبيت زوجها
واكملت تعليمها الجامعية وهي معها طفل جميل

النهاية

تصميم رؤوف حكيم